



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format


Adapt — remix, transform, and build upon the material



377
2-917

22835

1859



811

Կ Ա Ն Ո Ն Ա Դ Ր Ո Ի Թ Ի Ի Ն

Շուշուայ հոգևոր Դպրոցի Հաստատուած Մատթէոս Կաթողիկոսի ամենայն հայոց Հայրապետական Շուշուայ հայոց Հասարակութեան անունով տուած կոնդակով դեկտեմբերի 4-ին 1859 թուին ի Սուրբ Էջմիածին Համար 284:

(Մասն Ա.)

Կառավարչական մասն

Գ Լ Ո Ի Մ Ա.

Նպատակ և Կառավարութիւն Դպրոցի.

- Յօդ. 1.) Շուշուայ հոգևոր Դպրոցի նպատակն է պատրաստել դիտւորապէս Հայաստանեայց եկեղեցւոյ Համար արժանաւոր պաշտօնեաներ. և առ Հասարակ հայոց Հասարակութեան Համար լուսաւորեալ և ուսեալ անդամներ:
- Յօդ. 2.) Տէր Դպրոցին է ինքն Վեհափառ Կաթողիկոսն ամենայն հայոց և Մայրաքոյն հոգևոր Ատեանն Սինոդի Սրբոյ Էջմիածնի:
- Յօդ. 3.) Դպրոցի Կառավարութիւնը յանձնուած է Դպրոցի Կառավարութեան ժողովին, որն որ կազմուած է 5 Հոգաբարձուներից Դպրոցի տեսչից ընդ Նախագահութեամբ Կարաբաղու Վիճակաւոր Եպիսկոպոսի. Դպրոցի կառավարութեան խորհուրդը ունի Ատենադպիր և դրագիր:
- Յօդ. 4.) Բայցի 5 Հոգաբարձուներից կան և 5 նրանց փոխանորդ, որոնք տեղափոխուած են հոգաբարձուներին սրանց բացակայութեան ժամանակը:
- Յօդ. 5.) Հոգաբարձուներին և նրանց փոխանորդներին ընտրուած է Շուշուայ հայ Հասարակութիւնը իւր միջից կամ Կարաբաղու Վիճակի ուրիշ քաղաքներու հայ Հասարակութեան անդամներից Հաստատութեամբ Վեհափառ Կաթողիկոսի ամենայն հայոց:
- Մանօթութիւն. ա.) Հոգաբարձուներին և նրանց փոխանորդներին ընտրողութիւնը լինում է հետևեալ ձևով: Վեհափառ Կաթողիկոսը կոնդակ է ուղարկում Շուշուայ հայ Հասարակութիւնը հոգաբարձուների, նրանց փոխանորդների ընտրութեան մասին. կոնդակը ստանալուն պէս Վիճակաւոր Եպիսկոպոսը կարգադրութիւն է տեսնում, որ կոնդակը Շուշուայ եկեղեցիներում կարգադրէ. Գլխայն ժամանակ ծանուցումն է անել տալիս, որ նշանակուած օրը և ժամը Հասարակութիւնը ժողովուրի առաջնորդարանը նշանակած ժամին, ժողովուրդը ժողովում է առաջնորդարանը և անում է ընտրութիւնը, և ընտրած հոգաբարձուներին և նրանց փոխանորդներին Վիճակաւոր Եպիսկոպոսը առաջնորդում է Վեհափառ Կաթողիկոսին Հաստատութեան Համար: բ.) Ընտրողութեան ժամանակն հոգաբարձութիւնը պարտաւոր է յառաջադրոյն ծանուցանել Նուխու Հասարակութեան, որ նա իւր միջից ցոյց տայ հոգաբարձութեան արժանաւոր անձն մի փոխանորդով: Իսկ երկրորդ փոխանորդն ընտրուի Շուշուայ Հասարակութիւնից: գ.) Հոգաբարձուք և նրանց փոխանորդները ընտրուած են ձայնից բազմութեան բուէով:
- Յօդ. 6.) Դպրոցի Տեսչին ընտրուած են Դպրոցի հոգաբարձուները Վիճակաւոր Եպիսկոպոսի նախագահութեամբ յայտնելով սրա մասին Էջմիածնի Սինոդին:
- Յօդ. 7.) Հոգաբարձուները և նրանց փոխանորդները ընտրուած են 3 տարով, 3 տարուց յետոյ լինում է նոր ընտրութիւն:
- Յօդ. 8.) Դպրոցի կառավարութեան խորհուրդը ունի շաբթէր մեկ անգամ ժողով:
- Յօդ. 9.) Ամեն ժողովի մէջ հոգաբարձուներից երկուսը անպատճառ պիտի լինեն, այնպէս որ ժողովը 3 անդամից պակաս գոյանալ չէ կարող, թէև մնացեալ երկու հոգաբարձուներն էլ ստիպուած լինեն իրենց սեպհական գործերի մասին բացակայել նրանց տեղը բռնում են ներկայ գանուող փոխանորդները:
Տեսչի բացակայութեան ժամանակը բռնում է նրա տեղը նրա օգնականը (տես մաս ա. գ. 4.բ.)
- Յօդ. 10.) Ամեն առաջարկութիւն և միտք վճռուած է ձայների բազմութեամբ, բոցց հաւասարաձայնութեան ժամանակը ծանրակշիւ է այն կողմը, որ կողմը որ է նախագահը:
- Յօդ. 11.) Ժողովի մէջ ըննուած են Դպրոցի վերաբերեալ ամենայն գործերը:
- Յօդ. 12.) Ժողովի ամեն վճիռների և կարգադրութիւնների համար լինում են օրագիրներ (ժուրնալ)
- Յօդ. 13.) Խորհրդի վճիռը ի կատարածին ըստ անտեսական մասին հոգաբարձուները, իսկ ըստ ուսումնական մասին Դպրոցի Տեսուչը:
- Յօդ. 14.) Հոգաբարձուների պարտաւորութիւն է կառավարել Դպրոցի արդիւնքները և նրա ամեն անտեսական մասն, հոգալ Դպրոցի բարեկարգութեան և օրգիզիրների և ամեն աշակերանների բարօրութեան համար թէ հագուստի, թէ կերակրի, թէ բնակութեան մասին. և ջանալ Դպրոցի արդիւնքները աւելացնել:

377
6-97

Շուշու, 1894



2000

2010

26433-Ա.2.

4524-50

Յօդ. 15.) Դպրոցի կառավարութեան խորհուրդը յանձնուած է հոգաբարձուներից մէկին Դպրոցի գանձը. և պահել Դպրոցի ելքի և մուտքի ժապաւինեալ մատեանը, որն որ հոգաբարձութեան խորհուրդը ստանում է էջմիածնի Սինոդից:

Յօդ. 16.) Եթէ դանձապեա հոգաբարձուն հարկաւոր լինի Շուշի քաղաքից երկար ժամանակով բացակայ լինել նա պէտք է Դպրոցի կառավարութեան խորհրդի կարգադրութիւնով իւր պաշտօնը, գանձը և ժապաւինեալ մատեանները յանձնէ ձշտութեամբ ներկայ գտնուող հոգաբարձուներից մէկին կամ փոխանորդին, թէ հոգաբարձուները արդէն կունենան Դպրոցի կառավարութեան ուրիշ յանձնարարութիւն. մնացեալ հոգաբարձուքն ևս պարտին իրանց բացակայելու ժամանակը ծանուցանել Դպրոցի կառավարութեանը:

Յօդ. 17.) Ամեն ամսուան առաջին օրուամբ Դպրոցի կառավարութեան խորհուրդը Դպրոցի գանձին և հաշուեմատեաններին վերահաստէթիւն է անում:

Յօդ. 18.) Բացի շաբաթուան կանոնաւոր ժողովները կարող են լինել և առանձին ժողովներ, որոնք առաջարկուին կամ նահանգից կամ անդամներից մէկին, թէ ժողով առաջարկողը հարկաւորութիւն է տեսնում առանձին ժողովի. և թէ գործը չէ ներուած, որ ձգուի մինչև ապագայ կանոնաւոր ժողովը:

Յօդ. 19.) Ամեն տարուայ վերջին Դպրոցի կառավարութեան խորհուրդը կազմում է տարեկան հաշիւ Դպրոցի. թէ անտեսական և թէ ուսումնական մասին. և այն հաշիւն ուղարկուի Կաթողիկոսին, հաղորդելով միեւնոյն ժամանակը Դպրոցի ելքի և մուտքի բուն ժապաւինեալ մատեանների հետ միասին տարեկան հաշուի օրինակը էջմիածնայ Սինոդին. և հաշուի մէկ օրինակն էլ Դարբարգու Կոնսիստորիային:

Յօդ. 20.) Դպրոցի կառավարութեան խորհուրդը շինում ամեն տարուայ համար առաջուց դպրոցի ծախսի նախագաղափարը (սմեայ), որն որ հաստատում է Սինոդը և այդ նախագաղափարով է անում ծախսը. իսկ շտապից դուրս անակնկալ կարեւոր ծախսի համար իրաւունք է տրուում խորհրդին տարեկան: մսխել 500 մանէթ:

Յօդ. 21.) Դպրոցի կառավարութեան խորհուրդը ունի և իւր սեպհական կնիք Կաթողիկոսից հաստատուած:

Յօդ. 22.) Դպրոցի արդիւնքները են:

Ա. Մշնտջենաւոր.

Վեհափառ Կաթողիկոսից հաստատուած 1869 թուին Յունիսի համար 321. Շուշուայ հայ հասարակութեան անունով և համար 322 Դպրոցի հոգաբարձուների անունով սուած Հայրապետական Կոնդակներով այն է:

ա. Տարեկան արդիւնք կրպակին մոմավաճառութեան:

բ. Նուէրք ծնողաց աշակերտաց:

գ. Նուէրք անձանց ստացողաց զճննդական վկայագիրս:

դ. Նուէրք անձանց ստացողաց զվկայագիրս արձակման ի հոգևոր կոչմանէ:

ե. Տուգանագրամք պահանջելիք ի յանցաւոր հոգևորականաց:

զ. Բոլոր արդիւնք ուխտատեղիաց մատրանց, մասանց և այլոց:

է. Դանձանակազրամք ժողովեալք յամենայն եկեղեցիս թեմին:

ը. Նուէրք վանօրէից ի մնացորդ գումարաց արդեանց նոցին ընդ յօդ. 115 կարգադրութեան վասն գործոց հայաստանեայց եկեղեցւոյ:

թ. Կամաւոր նուէրք ի պսակատեարց հայոց անկախ ի վիճակապատական սոյն տեսակ արդիւնքից:

ժ. Սրբազրամ արդիւնք ի քահանայից ամի ամի ժողովելիք մի մի ըւրբի արծաթի:

ժա. Սրբազրամ արդիւնք ամիի ամի ստանալիք ի հայոց ժողովրդականաց իւրաքանչիւր զերդաստանէ 20 կոպ. արծաթի:

ժբ. Կամաւոր նուէրք դպրոցի:

Յօդ. 23.) Շուշուայ հասարակութիւնից ընծայաբեր անձինք կարող են ամեն տարի յունուարի ամսոց սկզբումը վերահաստողութիւն գործել բոլոր հաշիւներին հոգաբարձուաց, որոնք պարտին արդար խղճմանօք գործ դնել միմիայն յօգուտ Շուշուայ Դպրոցին, ինչպէս Հայրապետական կոնդակներով հաստատուած արդիւնքները, նոյնպէս այլ ընծայաբերութիւնները ժողովրդականաց, կատարելով ձշախ և ձշմարտութեամբ նուիրողաց կողմանէ առաջարկած պայմանները:

Յօդ. 24.) Հոգաբարձուներն ունին իրաւունք ուսումնարանի գումարն իրենց պատասխանատուութեամբ ալ շահօք հաւատալի անձանց և կամ մի քանի ժողովրդականաց համաձայնութեամբ գնել այնպիսի կալուածք, որոյ տարեկան արդիւնքը բաղկացնի զոնէ հարիւրին վեց սոկոսիք, և այս սոկոսիքն ծախս առնել յօգուտ Դպրոցին:

ԳԼՈՒԽ Բ.

Շուշուայ Հոգևոր Դպրոցի կազմուածք.

- Յօդ. 1.) Շուշուայ Հոգևոր Դպրոցը բաժանուում է 3 մասը. ա.) Նախապատրաստական մասն բ.), Իսկ դպրոցը. գ.) Յատկապէս Հոգևորական մասն:
- Յօդ. 2.) Դպրոցի նախապատրաստական մասն կազմում են Շուշուայ քաղաքի և առ Հասարակ ամբողջ Ղարաբաղու վիճակի մասնաւոր (ծխական) ուսումնարաններն, որոնք եկեղեցիների մօտ բաց արած կը լինեն:
- Յօդ. 3.) Ամեն մասնաւոր ուսումնարան այն եկեղեցւոյ, որի բակումն բաց արած կը լինի՝ քահանայի անմիջապէս տեսչութեան տակն է, և ունի բացի քահանայից՝ տեսուչ և մէկ կամ երկու ուսուցիչ:
- Յօդ. 4.) Գլխաւոր Տեսչութիւն ուսումնական մասի կողմանէ ամէն մասնաւոր ուսումնարանների վրայ ունի Շուշուայ Հոգևոր Դպրոցի տեսուչը Իսկ ընդհանուր Հովանաւորութիւն ամենի վրայ ունի դպրոցի կառավարութեան խորհուրդը:
- Յօդ. 5.) Ուսումն մասնաւոր ուսումնարաններում, որն երկու դասատանից պէտք է կազմուած լինի՝ այնքան պէտք է լինեն, ինչքան պահանջում է Հոգևոր դպրոցի առաջն դասատունը մանկուհամար. բայց տեղական հանգամանքներին նայելով, ուսումը կարող է պակաս և աւելի լինի, այնպէս որ մասնաւոր ուսումնարանն կարող է ունենալ երրորդ և չորրորդ դասատուներ, որտեղ որ ուսումը հաւասար լինի դպրոցի առաջին և երկրորդ դասատան ուսման:
- Յօդ. 6.) Թէ ուսումնական, թէ տնտեսական մասին մասնաւոր ուսումնարանների տնօրէնութիւնը և կարգադրութիւնը յանձնուում է Շուշուայ Հոգևոր դպրոցի կառավարութեան խորհուրդին՝ Բ. Իսկ Դպրոցը.
- Յօդ. 7.) Շուշուայ Հոգևոր դպրոցը կազմուած է 6 դասատանից, որոնց մէջը դաս են տրւում Հետեւեալ գրադրութիւնները և լեզուները
 - 1.) Առաջին դասատան մէջ, Սրբազան պատմութիւն, Թուաբանութիւն, Աշխարհագրութիւն, Հայոց և Ռուսի լեզուներ, փայելադրութիւն և եկեղեցական երգեցողութիւն:
 - 2.) Երկրորդ դասատան մէջ Սրբազան պատմութիւն, Թուաբանութիւն, Աշխարհագրութիւն, Հայոց, Ռուսի և Թուրքի լեզուներ, Վայելչագրութիւն, նկարչութիւն և եկեղեց. երգեց.
 - 3.) Երրորդ դասատան մէջ Քրիստոնէական վարդապետութիւն, Թուաբանութիւն, Աշխարհագրութիւն, ընդհանուր և Հայոց պատմութիւն. Հայոց, Ռուսի, Թուրքի և Փրանսերէն լեզուներ, Վայելչագրութիւն, նկարչութիւն և եկեղեցական երգեցողութիւն:
 - 4.) Չորրորդ դասատան մէջ Քրիստոնէական վարդապետութիւն, Աշխարհագրութիւն, Արգէպրա և Երկրաչափութիւն, ընդհանուր և Հայոց պատմութիւն. Հայոց, Ռուսի, Թուրքի և Փրանսերէն և Լատիներէն լեզուներ. նկարչութիւն և եկեղեցական երգեցողութիւն:
 - 5.) Հինգերորդ դասատան մէջ Եկեղեցական պատմութիւն, Արգէպրա, և Երկրաչափութիւն, Աշխարհագրութիւն ընդհանուր Հայոց պատմութիւն, բնական գիտութիւն. Հայոց, Ռուսի, Փրանսերէն լեզուներ, նկարչութիւն և եկեղեցական երգեցողութիւն:
 - 6.) Վեցերորդ դասատան մէջ Աստուածաբանութիւն, Եռանկիւնաչափութիւն, Աշխարհագրութիւն, Ընդհանուր Հայոց պատմութիւն և բնական պատմութիւն, Հայոց, Ռուսի, Փրանսերէն լեզուներ. նկարչութիւն և եկեղեցական երգեցողութիւն:
 - 7.) Ուսումնական ժողովը ունի իրաւունք համաձայն ժամանակի հանգամանքներուն աւելացնել կամ փոփոխել ուսանելի առարկաները:
 - 8.) Ամենայն դասատուութիւն պիտի լինի Հայոց լեզուով հանդերձ թարգմանութեամբ:
 - 9.) Ա. Բ. Գ. դասատուները անուանուում են ստորին: Իսկ Դ. Ե. և Զ. դասատուները վերին:
 - 10.) Օրուան մէջ լինում է 4 դաս, իսկ վերին դասատուների մէջ ուսման առարկաների շատութիւնից կարող են լինել մէկ քանի օրուան մէջ և Հինգ դաս:
- Յօդ. 11.) Ամենայն դասը տեւում է մէկ ու կէս ժամ և դասատուութիւնը սկսում է Մայիսի մէկից մինչև Հոկտեմբերի մէկն առաւօտեան ութ ժամին, և տեւում է մինչև տասն և մէկ ժամը. կէսօրից յետոյ երեք ժամից մինչև վեց ժամը. իսկ Հոկտեմբերի մէկից մինչ մայիսի մէկն առաւօտեան ինն ժամից մինչև տասն երկու ժամը, և կէսօրից յետոյ երկու ժամից մինչև Հինգ ժամը:
- Յօդ. 12.) Շարունակութիւն ուսումնական ժամանակի Դպրոցումը սկսում է օդոստոսի տասն և Հինգից և տեւում է մինչև ցյուլիսի մէկն:

Գ. Յատկապէս հոգևորական.

- Յօդ. 13) Այս երրորդ մասն մէկ առանձին ուսումնարան չէ, այլ արան կազմում են դպրոցի այն աշակերտները, որոնք որ դպրոցի մէջ իրենց ուսումը աւարտելուց յետոյ կը յայտնեն յօժարութիւն Հոգևորական կոչումն ստանալու. (սրա վրայ տես մանրամասնաբար այս կանոնագրութեան Ա. մասն Գլուխ Ե):

ԳԼՈՒԽ Գ.

Գլխոցի Տեսչի պարտաւորութիւնները.

- Յօդ. 1.) Տեսչին յանձնուած է գլխոցի ուսումնական կառավարութիւնը:
- Յօդ. 2.) Տեսուչը ունի իրեն օգնական, որին ընտրուած է ինքն, Հաստատուած է գլխոցի կառավարութեան խորհուրդը յայտնելով սրա մասին էջմիածնայ Սինոդին:
- Յօդ. 3.) Տեսչի օգնականը կատարուած է տեսչից յանձնուած ամեն յանձնարարութիւններ գլխոցի ուսման վերաբերեալ:
- Յօդ. 4.) Տեսչի բացակայութեան ժամանակ նրա տեղը բռնուած է նրա օրինակը:
- Յօդ. 5.) Տեսչի պարտաւորութիւնն է զլիաւորապէս կառավարել գլխոցի ուսումնական մասն, բայց յայնմանէ, թէ Շուշուայ քաղաքի, թէ Հասարակ վիճակի մասնաւոր ուսումնարանների վրայ ըստ կարիւրյն աչք ունենալ: Իսկ տեսչի օգնականը պարտաւոր է զլիաւորապէս պարապուել Շուշի քաղաքի մասնաւոր ծխական ուսումնարաններով և ըստ ներման ժամանակի և այցելութիւն անել գիճակի ուսումնարաններին: Իսկ տեսչի բացակայութեան կամ Հիւանդութեան ժամանակ կառավարել գլխոցի ուսումնական մասն:
- Յօդ. 6.) Տեսուչը ընտրուած և կարգուած է ուսուցիչներ և վերակացուներ, թէ գլխոցում և թէ մասնաւոր ուսումնարաններում, զիտութեամբ գլխոցի կառավարութեան ժողովին, նշանակուած է ուսման Համար Հարկաւոր դրեանք և ամեն կարգադրութիւններ յառաջադրելով գլխոց կառավարութեան խորհրդին և Հաստատութիւն ստանալով նրանից: Իսկ նշանակութեան օրէնս ուսուցչի պարտի լինել նախընթաց զիտութեամբ Սինոդի ի Հոգեւորականաց Հայոց:
- Յօդ. 7.) Տեսուչը ունի իրաւունք փոխելու ուսուցիչներին և վերակացուներին գլխոցի կառավարութեան խորհրդի վճռմամբ և թէ նրանց արժանի Համարի իրենց պաշտօնին:
- Յօդ. 8.) Տեսուչը պիտի Հոգայ որ այսպիսի կանոնադրութեան մէջ եղած ուսման կանոններն (պրոգրամայ) ճիշտ կատարուի:
- Յօդ. 9.) Տեսուչը պարտաւոր է աչքի առաջ ունենալ թէ գլխոցի արտաքին, թէ աշակերանների բարեկարգութեան, թէ նրանց ուսման վարք ու բարքի վրայ:
- Յօդ. 10.) Տեսուչը պէտք է կազմէ իր մօտ շարժէնր մէկ անգամ կամ դոնեա ամսէնը երկու անգամ ուսումնական խորհուրդ գլխոցի, թէ Շուշուայ մասնաւոր ուսումնարանների ուսուցիչիցներից և թէ գլխոցի ուսուցիչներից և այս խորհուրդումը պէտքէ բնուելն դասատուութեան աշակերանների ուսման վարք ու բարքի խնդիրները:

ԳԼՈՒԽ Գ.

Գլխոցի աշակերանների վրայ:

- Յօդ. 1.) Շուշուայ Հոգևոր գլխոցում ընդունուած են Շուշի քաղաքի և նրա բոլոր գիճակի լուսաւորչական Հայ Հասարակութեան ամեն դասակարգի որդիք:
- Յօդ. 2.) Հոգևոր գլխոցի աշակերանները երկու են բաժանուած: ա. Ներքին աշակերաններ, որոնք մնում են գլխոցի մէջ, որտեղ ստանում են Հագուստ, կերակուր և ուսման յամար Հարկաւոր ամեն պարագայք. սրանց մէկ մասն որդեգիրներ են, միւս մասն թոշակաւորները, որոնք Հաստուցանելով գլխոցի նշանակեալ դոմարը պահուած են որդեգիրներին Հիտ Հաստատ: բ. Երթուեկ աշակերաններ, որոնք գլխոցի մէջ միայն ուսում են առնում:
- Յօդ. 3.) Ներքին թոշակաւոր աշակերանները Հաստուցանում են 120 մանէթ:
- Յօդ. 4.) Երթուեկ աշակերանները Հաստուցանում են տարեկան 6 մանէթ:
- Ծանօթութիւն. Այն աշակերանները, որոնց ծնողաց աղքատ լինելը յայտնի է գլխոցի կառավարութեան խորհրդին, կամ անյայտ լինելու ժամանակ խորհուրդը կը տեղեկանայ ծնողաց անկարողութեան մասին, ազատուած են տարեկան ուսման վարձ վճարելից:
- Յօդ. 5.) Որդեգիրների թիւը կը լինի առ ժամանակ տասն երկու, սրանց Հաշուած պէտք է լինեն չորս աղքատ քահանայի որդիք և ութ Հայ Հասարակութեան այն անդամների որդիք, որոնք կարողութիւն չունին իրենց որդոց ուսում տալ, իսկ ժամանակով երբ գլխոցի արդիւնքները կը շատանան որդեգիրներին թիւ կաւելանայ. պարտ է լինել և միւսնոյն յարաբերութիւնով և կարգաւ այսինքն՝ երեք մասից մէկը Հոգևորականներից, իսկ երկուսն աշխարհականներից:
- Յօդ. 6.) Եթէ գլխոցի որդեգիր դառնալու ցանկացողները աւելի լինեն, տեղ չը լինելու պատճառով ընդունուած են այն երախայն, որն աւելի զիտութիւն ունի և աւելի Հասկացող՝ լաւ վարքի ու բարքի տէր երեխայ լինի:
- Յօդ. 7.) Որդեգիրներից կամ առ Հասարակ աշակերաններից նրանք, որոնք դասատան մէջ երկու տարուց աւելի մասն (թէ Հիւանդութեան պատճառ չը լինի) կամ վատ վարք ունենան, արձակուած են գլխոցից, որով տեղ են բաց անում ուրիշ արի և ջանասէր երախաների Համար:

- Յօդ. 8.) Այն աշակերտը, որ իր ուսումը—գալրոցը լաւ կաւարտէ՝ ստանում է գալրոցի կառավարութեան խորհրդի ստորագրութիւնով և գալրոցի կնքով դրոշմած վկայագիրը ուսման-առեստատ:
- Յօդ. 9.) Այն աշակերտները, որոնք իրենց ուսումը չեն աւարտել գալրոցում և դուրս են գնում գրպոցից ստանում են վկայական գալրոցի տեսչի ստորագրութիւնով:
- Յօդ. 10.) Որդեգիր կամ թոշակաւոր աշակերտները պէտք է ունենան մկրտութեան և ծաղկի վկայագիր. իսկ երթեկները միմեայն մկրտութեան վկայագիր (մեարիքական):
- Յօդ. 11.) Շուշիի հոգևոր գալրոց մանուկ աշակերտները յայտնում են գալրոցի կառավարութեան խորհուրդին, որն նրանց ուզարկում է տեսչի մօտ. տեսուչը ուսուցիչների հետ միասին քննութիւն է անում երախային և նրա գիտութեան յարմար գասատուն է մտցնում:
- Յօդ. 12.) Գալրոցի առաջին գասատուն մաներու համար պէտք է դիտենալ նախ՝ Հայերէն վարժ կարգալ և գրել երկրորդ՝ Սրբազան պատմութիւնը կարծարտ. (Հայր մեր) և մէկ քանի գլխաւոր աղօթքներ. երրորդ՝ Թուաբանութիւնից առաջին չորս գործողութիւնը: Առաջին գասատուն մանուկ ասարիքն պէտք է լինի 10—ց12 տարեկան. իսկ բարձր գասատուն մըսնողն 12, 14 և 15 տարեկանից ոչ աւելի:
- Յօդ. 13.) Երկրորդ գասատուն մանողն պիտի գիտենայ ամեն առարկաներ, որոնք գալրոցի առաջին գասատան մէջ ուսանում են. այնպէս էլ երրորդ՝ կամ հետեւեալ գասատուն մանողները պիտի ունենան նախընթաց գասատան գիտութիւնը:
- Յօդ. 14.) Տարեկան ուսման վարձ գալրոցին պէտք է հասուցանի աշակերտներից տարէնը երկու անգամ այն է ամեն փեցամսեակի սկզբումը:
- Յօդ. 15.) Որդեգիրները գալրոցում ուսումը աւարտելով և յայտնելով ցանկութիւնը հոգևորական կոչումը ընդունելու, հագնում են հոգևորականի հագուստ և մանում են գալրոցի կառավարութեան խորհուրդի հովանաւորութեան ներքոյ, որն յետագայ զլխի զորութիւնով հոգս է քաշում նրանց ապագայի համար:
- Յօդ. 16.) Ներքին թոշակները, թէ երթեկ աշակերտները, որոնք գալրոցի մէջ վկայագրով ուսումը աւարտելուց յետոյ յայտնեն իրենց յօժարութիւնը հոգևորական կոչում ընդունելու, նմանապէս հագնում են հոգևորական հագուստ և որդեգիրների նման մանում են գալրոցի կառավարութեան խորհրդի հովանաւորութեան ներքոյ:
- Յօդ. 17.) Գալրոցի մէջ ուսում աւարտող աշակերտներիցը երկուսը լաւերը գալրոցի հաշուով ուղարկւում են համալսարան, տարեկան 400 մանէթ ստանալով այն պայմանով, որ նրանք համալսարանը աւարտելուց յետոյ վեց տարի ծառայեն Շուշի քաղաքի հոգևոր գալրոցին, ստանալով իրենց պաշտօնին յարմար սոճիկ:

ԳԼՈՒԽ Ե.

Հոգևորական կոչում ընդունած աշակերտների վրայ.

- Յօդ. 1.) Գալրոցի աշակերտները, որոնք ուսումը գալրոցի մէջ աւարտած ընդունել են հոգևորական կոչում ստանում են զանազան հոգևոր աստիճաններ:
- Յօդ. 2.) Նորընծայ գիտուն գալրներ գալրոցում ուսում աւարտելուց յետոյ, դուրս են գալիս գալրոցից և նշանակում են Ղարաբաղի առաջնորդից, երկու երեք կամ (աւելի նայելով) տարով Շուշի քաղաքի եկեղեցիներում սպասաւորութիւն անելու:
- Յօդ. 3.) Գալրոցի կառավարութեան խորհուրդը պէտք է հոգայ որ նորընծայ գիտուն գալրները դուրս գալուց յետոյ մինչև քահանայ ձեռնադրուելը ապահուած լինեն կեանքի ամենահարկաւոր պայմանների կողմանէ, այն է՝ բնակարանի հագուստի և կերակրի: Նորընծայ գիտուն սարկաւազները, պէտք է ստանան բնակարան Առաջնորդարանումը. իսկ եթէ այնտեղ չը լինի ըստ բաւականի տեղ՝ գալրոցի կառավարութիւնը Շուշի քաղաքի մէջ բնակարաններ է վարձում երկու երեք գալր միասին բնակուելու: Նրանք, որոնք գալրոցի մէջ պաշտօն կունենան ուսուցչի կամ վերակացուի. կը մնան գալրոցում:
- Իսկ հագուստ և կերակուր կստանան կամ գալրոցից, կամ գալրոցի կառավարութեան խորհուրդը տարեկան փող կը հատուցանէ ամեն մէկին, որով սրանք իրանք կերակուրին և իրանք կը հոգան իրենց հագուստի համար:
- Յօդ. 4.) Նորընծայ գիտուն գալրներ սպասաւորութիւն անելով եկեղեցւոյ մէջ ստանում են քահանայական արդիւնքից և հոգաբարձուից մասն իւրեանց կոչման յարմար:
- Յօդ. 5.) Նորընծան գիտուն գալրները ուսում աւարտելուց յետոյ մինչև քահանայ ձեռնադրուելին մնալով Շուշի քաղաքի մէջ պէտք է իրենք կատարելագործուին հոգևոր գիտութեանց մէջ և գիտնական պարապմունքով զբաղուած լինեն:
- Յօդ. 6.) Նորընծայ գիտուն գալրների պարապմունքները պէտք է լինի ա. քարոզներ, որոնք թէ հաւանական լինեն առաջնորդին, յարմար օրերին կարգուին եկեղեցիներում: Բ. Հայոց լեզուի, հայոց գրականութեան և հայոց պատմութեան պարապմունք: Գ. Ստաւածաբանական պա-

րապմունք և դ. ըստ կարգադրութեան դպրոցի կառավարութեան խորհրդի դասատուութիւն և վերակացութիւն անել թէ դպրոցում թէ Շուշի քաղաքի մասնաւոր (Տիտական) ուսումնարաններում ուղղիկով:

Մանօթութիւն. Այս վերջին (դ.) պարտաւորութիւն ունեցողները պարտական են կատարել և առաջին երեք (ա. բ. գ.) պարտաւորութիւնները:

Յօդ. 7.) Դպրոցի կառավարութեան խորհուրդը պիտի աչք ունենայ նորընծայ զիտուն սարկաւազներին վրայ, սրանք թէ եկեղեցւոյ սպասարարութեան, թէ իրենց զիտնական պարագմունքին պատկանեալ պարտաւորութիւնները ձիշտ կատարեն և պիտի հոգայ, որ սրանց ամեն կերպ հարկաւորութիւններին բաւականացնէ և օգնութիւն տայ պարապուելու:

Յօդ. 8.) Երբոր նորընծայ զիտուն սարկաւազները կը յայտնեն իրենց յօժարութիւնը քահանայ ձեռնադրուելու և վերջոյ վաղ ուսմանց մէջ կատարելագործուած կը լինեն, ստանում են աւագ սարկաւազութեան աստիճանը և ձեռնադրուած են քահանայ:

Յօդ. 9.) Բայց թէ նորընծայ զիտուն սարկաւազը դպրոցի կառավարութեան խորհրդից անարժան համարուի քահանայութեան համար կամ բոլորովին չէ ձեռնադրուած քահանայ կամ ժամանակ է տրուած նրան իր պակասութիւնները ուղղելու և արժանանալու քահանայական պաշտօն ստանալու: 4.) Թէ չուզուի այն ժամանակը կզրկուի բոլորովին դպրոցի կառավարութեան խորհրդի հոգաւարութիւնից և քահանայական աստիճան ստանալուց:

ԳԼՈՒԽ Զ.

Յօդ. 1.) Տարուան վերջին, այն է յունիսի վերջումը լինում են տարեկան քննութիւններ (էկզամին) և քննութիւնից յետոյ մինչև օգոստոսի 15-ն ուսումը դադարում է:

Մանօթութիւն. Ամսական արձակուրտի ժամանակը դպրոցի որդեգիրները կարող են գնալ իրենց տուն կամ իրենց զիւղը:

Յօդ. 2.) Բացի ամառուան արձակուրդը լինում են և ձմեռուան և զարնան. այն է գեկաեմբերի 28-ից մինչև յունուարի 9-ը և աւագ չորեքշաբթից մինչև զատիկի ութօրեքը:

Մանօթութիւն. Դպրոցի որդեգիրները կարող են և այս միջոցում արձակուրդ իրենց տունն:

Յօդ. 3.) Դպրոցն ազատ է դասատուութիւնից, բացի զլիաւոր Տէրունական և Հայոց եկեղեցական զլիաւոր աստիճանից:

Յօդ. 4.) Ամեն շաբաթ երեկոյեան և կիրակի օրերը դպրոցի աշակերտները գնում են եկեղեցի:

Յօդ. 5.) Քննութիւններից 2 օր յետոյ նշանակուած է հանդէս (ակա), որտեղ հրաւիրուած է Շուշիի Հայ հասարակութիւնը և այն հանդիսի մէջ յայտնում աշակերտների դասատուն փոխիլը, արժանաւոր աշակերտներին բաժանում են պարգևներ, ընթեռնում են հանդիսին յարմար ձառեր և կարգուած հրապարակաւ դպրոցի տարեկան հաշիւը:

ԳԼՈՒԽ Է.

Յօդ. 1.) Դպրոցը ունի հիւանդանոց 10 մահճակալ, տարեկան բժիշկ և հիւանդանոցի վերատեսուչ մէկ կին կամ աղամարդ և փոքրիկ դեղատուն:

Յօդ. 2.) Դպրոցը ունի զրատուն, որից զրեանք է տրուում ժամանով կարգաւոր թէ դպրոցի աշակերտներին և թէ նորընծայ զիտուն զպիւրներին:

Յօդ. 3.) Դպրոցը ունի իւր զրափաձառանոցը, որտեղ վաճառուած են ուսման պատկանեալ զրեանք աժան գնով որով միջոց է տրուում թէ դպրոցի թէ մասնաւոր ուսումնարանների աշակերտներին հեշտութեամբ ի ձեռս բերել իրենց ուսման համար հարկաւոր զրեանքը:

Յօդ. 4.) Թէ զրատունը թէ զրափաձառանոցը պիտի յանձնուած լինի առանձին մարդու կամ վերակացուներից մէկին:


Յօդ. 5.) Դպրոցը ունի հանդերձատուն և հանդերձապահ:

ԳԼՈՒԽ Ը.

Յօդ. 1.) Եթէ ժամանակով հարկաւորուի նոր յօդուած աւելացնել կամ փոփոխել այս կանոնադրութեան մէջ՝ Հոգաբարձութիւնը կարող է խնդրել զրա համար յուժոմն էջմիածնայ Սինոդից:

Յօդ. 2.) Այս կարգադրութիւնը պարտի շարունակել ժամանակաւորապէս փորձառութեան կերպով, յետ որոյ համեմատ ուսումնարանի միջոցներին և ժամանակին անել նոր առաջարկութիւն:

Այս կանոնադրութիւնն ընթերցեալ յատենի գտաւ Հաւանական, ուստի Սինոդն Սրբոյ Էջմիածնի ստորագրութեամբ Անգամոյ և գրոշմամբ արքունի կնքոյ վաւերացուցանէ՝ ի 12 ասորիկ յամի Փրկչական 1861. ի Սուրբ Էջմիածին ի վերայ իսկականին ստորագրեալ են:



Անգամբ Սինոդի. Դուկաս Արք-Եպիսկոպոս:
Մակար Արք-Եպիսկոպոս.
Եղիազար Եպիսկոպոս Տէր-Կարապետեան.
Գրիգոր Եպիսկոպոս Յովբեանց:
Սարգիս փարգապետ Տէր-Գասպարեան, և վաւերացուցեալ է
Աղենագիր Ս. Թաղիանոսեանց:

Печатать разрѣшаю 16 Февраля 1894 года Шушинскій Уѣздный Начальникъ Капитанъ Барановскій
Типо-скоропечатная Шушинскаго Армянскаго Духовнаго Вѣдомства



318



22835

2673

